

三水縣志卷之五

學校

學制
常額

祀典
書院

守藏
社學

書籍
學田

天子諸侯之國皆有學天子曰辟雍諸侯曰頌宮
由來舊矣至唐縣皆立學五代迄今相沿其制肆
邑自建置以後雖瘠土多貧而士之爭自濯磨於
從公泮水間者彬彬盛矣若此者其

醲化之浹耶其官斯土者有如文翁常衮之振作於
前耶其亦鄉先生若何端恪林文峯輩之彝訓遺
風漸摩於未艾耶夫士而有真斯無負於學校耳
予尤願其引而方長進而日上也志學校

三水縣志

卷之五

學校

一

學制

文廟在縣治東龍鳳窩明嘉靖六年知縣程儒建越
嘉靖十二年知縣汪克思及曾泰始相繼修理中
丞黃衷撰記嘉靖三十四年知縣周文燦一修部
郎曾楚撰碑萬曆二十四年知縣高瀛一修屠隆
作序萬曆四十年知縣閔之聞一修李希孔撰文
明季一修李綺撰文至

國朝康熙九年知縣蘇嶠暨訓導陳大覲捐俸修理
康熙二十四年知縣王永名又捐俸大修周夢龍
作記

兩廡東西各七間順治七年通學奉宗師李綺協助
修葺至康熙九年訓導陳大覲大加修理照祀典
設復先賢先儒神位廡柱用欄杆圍之

戟門一座三門明崇正三年知縣沈起蛟修葺

國朝順治七年奉督學李綺令通學簽助修葺順治
十六年知府黎民貴詣學捐銀二十兩修葺至康
熙九年訓導陳大覲重修

櫺星門以紅柱石爲之端肅如制天啟四年知縣陳
素養于門外高築照牆歲久門扉圯壞康熙九年
訓導陳大覲修復門外舊有聖域賢關二額兵燹

毀壞後皆設復廟貌肅然康熙四十七年知縣鄭
玟以照牆高稍隔外陽畧爲改建并填修前塘

名宦祠在戟門東三間知縣程儒建至康熙九年重
修

鄉賢祠在戟門西制如名宦祠知縣程儒建至康熙
九年重修

龍門向時謁 聖從櫺星門右入明崇正九年知縣

沈起蛟始于泮池左按辰位開一門名曰龍門

泮池原在櫺星門外明天啟四年知縣陳素養改鑿
于櫺星門內壘砌以磚鋪欄以石遂成環橋勝槩

舊泮仍瀦水爲塘

啟聖祠原在文廟東偏明嘉靖六年知縣程儒建久漸毀卸

國朝順治七年通學簽助修葺至康熙九年又復重修雍正元年奉 詔改啟聖祠爲 崇聖祠嘉慶十年知縣洪先燾將祠改建明倫堂建 崇聖祠于明倫堂舊址左建孝弟祠右建忠義祠以崇體制

敬一亭在 崇聖祠南豎立六箴石碑明嘉靖二十

七年知縣朱端明所成今圯

三水縣志

卷之五

學校

三

宰牲所在明倫堂之右久圯至康熙九年設復

明倫堂原在大成殿後一座三間其前爲露臺明嘉靖六年知縣程儒建嘉靖三十六年知縣周文爌修葺萬曆二十四年知縣高瀛修葺

國朝康熙九年知縣蘇嶠暨訓導陳大觀修葺設復明倫額嘉慶十年知縣洪先燾將堂改爲 崇聖祠遷建明倫堂于 崇聖祠舊址在鳳岡書院後進德修業二齋在明倫堂之兩腋東西各二間明嘉靖六年知縣程儒建至

國朝康熙九年知縣蘇嶠重修今圯

射圃在 文廟之西明崇正十一年知縣高其昌修葺今舊址猶存

六箴亭在鳳岡書院後明嘉靖二十七年知縣朱端明建今圯

儒學門在明倫堂直路前久圯康熙十年訓導陳大覲重建門上有樓直向文明門

育英門在明倫堂之左東向久圯康熙十年重修

雲路坊在學宮之東萬曆四十六年知縣何夢駿建今圯

天衢坊在學宮之西知縣何夢駿建邑進士御史李

三水縣志

卷之五

學校

四

希孔撰記今圯

按 文廟自乾隆四十八年知縣侯學詩捐助俸銀舉武舉李誠孚武生董朝重監生陸朝英嚴時通爲首事倡修大成殿兩廡名宦祠鄉賢祠戟門仍舊泮池添以新石櫺星門旁設圍墻規模煥然一新

尊經閣原在明倫堂學署後萬曆三十四年知縣陳原道建久傾圯嘉慶十一年知縣洪先燾舉首事貢生歐陽翎生員董朝舉譚材嚴恕武生潘鶴翔等改明倫堂爲

崇聖祠建復尊經閣於祠後一座三間中祀 文帝
層樓高聳上祀魁星前爲露臺庭下多植桂株兩
腋廵廊規模整肅知縣洪先燾撰有碑記

御製

至聖先師孔子贊

并序康熙二十五年

蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立
言以垂憲此正學所以常明人心所以不泯也粵
稽往緒仰溯前徽堯舜禹湯文武達而在上兼君
師之寄行道之聖人也孔子不得位窮而在下秉

三水縣志

卷之五

學校

五

刪述之權明道之聖人也行道者勲業炳於一朝
明道者教思周於百世堯舜文武之後不有孔子
則學術紛淆仁義湮塞斯道之失傳也久矣後之
人而欲探二帝三王之心法以爲治國平天下之
準其奚所取衷焉然則孔子之爲萬古一人也審
矣 巡省東國謁祀 闕里景企滋深敬摛筆而
爲之贊曰

清濁有氣剛柔有質聖人參之人極以立行著習
察舍道莫由惟皇建極惟后綏猷作君作師垂統
萬古曰惟堯舜禹湯文武五百餘歲至聖挺生聲

金振玉集厥大成序書刪詩定禮正樂既窮象繫
亦嚴筆削上紹往緒下示來型道不終晦秩然大
經百家紛紜殊途異趣日月無踰羹牆可晤孔子
之道惟中與庸此心此理千聖所同孔子之德仁
義中正秉彝之好根本天性庶幾夙夜勗哉合圖
溯源洙泗景躅唐虞載歷庭除式觀禮器擗毫仰
贊心焉遐企百世而上以聖爲歸百世而下以聖
爲師非師夫子惟師於道統天御世惟道爲寶泰
山巖巖東海泱泱是夫子之堂孰窺其藩
孰窺其徑道不遠人克念作聖

三水縣志

卷之五

學校

六

御製顏子贊

康熙二十八年

聖道早聞天資獨粹約禮博文不遷不貳一善服
膺萬德來萃心齋坐忘其樂一致禮樂四代治法
兼備用行舍藏王佐之器

曾子贊

洙泗之傳魯以得之一貫曰唯聖學在茲明德新
民止善爲期格致誠正均平以推至德要道百行
所基纂承統緒修明訓辭

子思子贊

於穆天命道之大原靜養動察庸德庸言以育萬

物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨聞知言養氣道稱堯舜學屏功利煌煌七篇並垂六藝孔學攸傳禹功作配

大成殿

欽頒匾額

康熙二十三年

聖祖仁皇帝

三水縣志

卷之五

學校

七

御書萬世師表

雍正三年

世宗憲皇帝

御書生民未有

乾隆三年

高宗純皇帝

御書與天地參

嘉慶四年

今上

御書聖集大成

祀典

木主

至聖先師木主定式高二尺三寸七分濶四寸厚七分座高四寸長七寸厚三寸朱地金書

四配木主定式高一尺五寸濶三寸二分厚五分座高四寸長六寸厚二寸八分

十二哲木主定式高一尺四寸濶二寸六分厚五分座高二寸六分長四寸厚二寸 崇聖主同

兩廡 先賢木主定式與十二哲同 先儒木主定

式高一尺三寸四分濶二寸三分厚四分座高二寸三分長四寸厚二寸

正殿

至聖先師孔子位

攷歷代褒崇之禮自魯哀公十七年立廟孔子舊宅漢高帝十二年過魯以太牢祀孔子平帝元年追諡孔子爲襄成宣尼公明帝永平二年以周公孔子並祀於郡縣學魏晉六朝或封公封侯或祭於辟雍唐太宗貞觀初年令專祀孔子定孔子爲先聖顏子爲先師天下立廟四時致祭明皇開元二十七年封孔子爲文宣王宋

真宗大中祥符五年加稱至聖元武宗至大元年加號曰大成至聖文宣王明嘉靖九年從張璁議改稱曰至聖先師孔子廟制宋太祖建隆二年詔廟門立戟十二徽宗政和元年加戟二十四殿名大成自徽宗崇寧四年始明嘉靖九年從張璁議改大成殿爲文廟戟門爲文廟門天下學宮通撤座像易以木主

國朝悉因之

東配

復聖顏子 字子淵 魯人

述聖子思子 字子思

三水縣志

卷之五

學校

九

西配

宗聖曾子 字子輿 魯人

亞聖孟子 字子輿 漢書作子車 鄒人

攷魏主芳正始二年以顏子配享唐高宗總章元年以曾子配享宋神宗元豐元年以孟子配享徽宗大觀二年以子思從祀度宗咸淳三年以顏曾思孟並享元文宗至順二年封顏子兗國復聖公會子邾國宗聖公子思子沂國述聖公孟子鄒國亞聖公明嘉靖九年從張璁議去公稱子今仍之

東哲

先賢閔子名損字子騫魯人 先賢冉子名雍字仲弓魯人

先賢端木子名賜字子貢衛人 先賢仲子名由字子路卞人

先賢卜子名商字子夏衛人 先賢有子名若字子若魯人

西哲

先賢冉子名耕字伯牛魯人 先賢宰子名予字宰我魯人

先賢冉子名求字子有魯人 先賢言子名偃字子游吳人

先賢顓孫子名師字子張陽城人 先賢朱子名熹字元晦婺源人

攷自唐元宗開元八年始以十哲從祀至

國朝康熙五十一年以朱子熹發明聖道軌於至

正使六經之旨闡明聖學之傳有繼升配大成

三水縣志

卷之五

學校

十

殿十哲之次乾隆三年以先賢有子若升配大

成殿十哲之次共十二哲

東廡

先賢蘧瑗字伯玉衛大夫 先賢澹臺滅明字子羽武城人

先賢原憲字子思宋人 先賢南宮适字子容魯人

先賢商瞿字子木宋人 先賢漆雕開字子開魯人

先賢司馬耕字子牛魯人 先賢巫馬施字子期陳人

先賢顏辛字子柳魯人 先賢曹邴字子循蔡人

先賢公孫龍字子石衛人 先賢秦商字子丕魯人

先賢顏高字子驕魯人 先賢壤駟赤字子徒秦人

先賢石作蜀字子明秦人

先賢公夏首字子乘魯人

先賢后處字子里齊人

先賢奚容蒧字子楷魯人

先賢顏祖字子襄魯人

先賢句井疆字子野衛人

先賢秦祖字子男魯人

先賢縣成字子期魯人

先賢公祖句茲字子之魯人

先賢燕伋字子思秦人

先賢樂欬字子聲秦人

先賢狄黑字子皙衛人

先賢孔忠字子茂叔皮子

先賢公西蒧字子尚魯人

先賢顏之僕字子叔魯人

先賢施之常字子恒魯人

先賢申枏字子周

先賢左邱明魯人

先賢秦冉字開蔡人

先賢牧皮

三水縣志

卷之五

學校

士

先賢公都子孟子弟子

先賢公孫丑孟子弟子

先賢張載字子厚郟人

先賢程頤字正叔洛陽人

先儒公羊高齊人

先儒孔安國字子國孔子十一世孫

先儒毛萇趙人

先儒高堂生字伯魯人

先儒鄭元字康成高密人

先儒諸葛亮字孔明南陽人

先儒王通字仲淹龍門人

先儒司馬光字君實夏縣人

先儒歐陽脩字永叔廬陵人

先儒胡安國字康侯崇安人

先儒尹焞字彥明河南人

先儒呂祖謙字伯恭婺州人

先儒蔡沈字仲晦建陽人

先儒陸九淵字子靜金谿人

先儒陳淳字安卿龍谿人

先儒魏了翁字華甫浦江人

先儒王栢字會之金華人

先儒許衡字仲平河內人

先儒許謙字益之東陽人

先儒吳澄字幼清崇仁人

先儒王守仁字伯安餘姚人

先儒薛瑄字德溫河津人

先儒羅欽順字元升泰和人

先儒陸隴其字稼書朝平湖人 國

西廡

先賢林放字子長魯人

先賢宓不齊字子賤魯人

先賢公冶長字子長魯人

先賢公皙哀字季沈魯人

先賢高柴字子羔衛人

先賢樊須字子遲魯人

先賢商澤字子秀魯人

先賢梁鱣字叔魚齊人

先賢冉孺字子魯魯人

先賢伯虔字子析魯人

三水縣志 卷之五 學校

先賢冉季字子產魯人

先賢漆雕徒父字子文魯人

先賢漆雕哆字子歛魯人

先賢公西赤字子華魯人

先賢任不齊字子選楚人

先賢公良孺字子幼陳人

先賢公肩定字子中魯人

先賢鄒單字子家魯人

先賢罕父黑字子索魯人

先賢榮旂字子旂魯人

先賢左人郢字子行魯人

先賢鄭國字子徒魯人

先賢原亢字子抗魯人

先賢廉潔字子庸衛人

先賢叔仲瞻字子期魯人

先賢公西輿如字子上魯人

先賢邾奚字子歛魯人

先賢陳亢字子禽齊人

先賢琴張字子開衛人

先賢步叔乘字子車齊人

先賢秦非字子之魯人

先賢顏喲字子聲魯人

先賢顏何字冉

先賢縣亶字子象

先賢樂正克孟子弟子

先賢萬章孟子弟子

先賢周敦頤字茂叔營道人

先賢程顥字伯淳洛陽人

先賢邵雍字堯夫范陽人

先儒穀梁赤字元始魯人

先儒伏勝字賤曾孫鄒平人

先儒后蒼字近君郟人

先儒董仲舒廣川人

先儒杜子春河南人

先儒范甯字武子鄆陵人

先儒韓愈字退之脩武人

先儒范仲淹字希文吳縣人

先儒胡瑗字翼之海陵人

先儒楊時字中立將樂人

先儒羅從彥字仲素劍州人

三水縣志 卷之五 學校

先儒李侗字愿中劍浦人

先儒張栻字敬夫綿竹人

先儒黃幹字直卿閩縣人

先儒真德秀字希元浦城人

先儒何基字子恭金華人

先儒趙復字仁甫德安人

先儒金履祥字吉甫蘭谿人

先儒陳皓字可大都昌人

先儒陳獻章字公甫新會人

先儒胡居仁字叔心餘干人

先儒蔡清字介夫晉江人

攷唐太宗貞觀二十一年始以左邱明卜子夏公

羊高穀梁赤伏勝高堂生戴聖毛萇孔安國劉向

鄭眾杜子春馬融盧植鄭元服虔何休王肅王弼

杜預范甯賈逵二十二人從祀

宋神宗元豐七年加荀況楊雄韓愈從祀理宗淳祐二年加周敦頤張載程顥程頤封爵與朱熹並從祀景定二年又加張栻呂祖謙從祀度宗咸淳三年加邵雍司馬光從祀元皇慶二年以許衡從祀

明洪武二十九年罷楊雄以董仲舒從祀正統二年以胡安國蔡沈真德秀從祀八年以吳澄從祀宏治九年以楊時從祀嘉靖九年去申黨存申棖以黨卽棖也其公伯寮秦冉顏何荀況戴聖劉向賈逵馬融何休王肅王弼杜預吳澄俱罷祀林放

三水縣志

卷之五

學校

古

蘧瑗鄭眾盧植鄭元服虔范甯俱祀于其鄉以后蒼王通歐陽修胡瑗增入從祀隆慶九年以薛瑄從祀萬歷十二年以陳獻章胡居仁王守仁從祀四十二年以羅從彥李侗等從祀

國朝康熙五十五年以范仲淹從祀雍正二年復以林放蘧瑗秦冉顏何鄭元范甯六人從祀增入縣廩牧皮樂正子公都子萬章公孫丑諸葛亮尹焞魏了翁黃幹陳淳何基王栢趙復金履祥許謙陳澹羅欽順蔡清陸隴其二十人從祀冉雍冉耕顓孫師有若增置博士四人乾隆三年復以吳澄從

祀六年額定先賢先儒配祀位次于天下學宮

崇聖祠

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

無繇

先賢孔氏

鯉

上位東

先賢曾氏

點

先賢孟孫氏

激

上位西

三水縣志

卷之五

學校

五

從祀

先儒周輔成

敦頤之父

先儒程珦

顯頤之父

先儒蔡元定

沈之父

上位東

先儒張迪

載之父

先儒朱松

熹之父

上位西

攷雍正元年晉封孔子五代王號改啟聖祠為

崇聖祠二年增橫渠父張迪從祀

名宦祠

國朝兩廣總督孔毓珣

國朝廣東巡撫朱宏祚

國朝廣東巡撫楊文乾

國朝廣東巡撫楊宗仁

明廣東督學魏浣初

國朝兩廣鹽運司運同黃六吉

明知三水縣事周文燦

明知三水縣事陶守訓

明知三水縣事鄭孔道

明知三水縣事甘汝遷

明知三水縣事閔之聞

國朝知三水縣事蘇 嶠

國朝知三水縣事樊 翰

三水縣志

卷之五

學校

六

鄉賢祠

明禮部尚書何維栢

明貴州巡撫李義壯

明貴州按察司副使陳開泰

明山西道監察御史梁 軫

明宿州靈璧縣教諭陸 宣

明江西道監察御史李希孔

明廣西潯州府知府梁鶴鳴

忠義祠

孝弟祠

國朝歲貢生陸肇泰

雍正二年奉文動項建立忠義孝弟祠祀闔邑已故忠義孝弟之人設主其中并將姓名表揭牌坊之上每歲有司春秋致祭與鄉賢祠同節孝祠

雍正二年奉文建立在廣益倉前今圯

樂器

三水縣志

卷之五

學校

七

大麾鐘一面

連龍杆架

門鼓一面

連架

銅編鐘十六口

石編磬十六口

銅簽名鐘一口

琴六張

絃線全

瑟四張

絃線全

箏四枝

有絃

鳳簫二排

龍笛八枝

有絃

洞簫八枝

有絃

笙八攢

管子四枝

有絃

埙四個

搏拊二面

祝一個

敔一個

祭器

舊簋簋五十一個 內十四個存縣祭祀用

舊銅爵四十三個 舊鼎二個

舊劍四個 白磁爵四十二座

錫鼎一座 有蓋 錫劍十五個 有蓋

錫簋五十二個 有蓋 錫簋五十二個 有蓋

銅酒罇三個 銅龍杓一把

銅爵一百三十四座 鐵壺罇一個

鐵著罇一個 鐵太罇一個

鐵壘罇一個 鐵山罇一個

鐵犧罇一個 鐵象罇一個

三水縣志 卷之五 學校 六

竹籩九十個 木豆一百六十個

龍幕六幅 祝文版二座

獻帛盤七個

書籍

雍正十一年頒

上諭二十部

乾隆八年頒

上諭二十部 以上通共五百本

學政全書二本 學政條約二本

新頒學政全書二套 共十六本

上諭清漢各一道

祭器圖一本

鄉飲酒禮儀注一本

明史一部

欽定四書文一部 共二十二本

聖諭廣訓一部

儀注一本

御製金川碑文一幅

資治通鑑一部 四本

乾隆二十三年頒

御製平定準噶爾碑文一道

乾隆二十八年頒

御製平定回部碑文一道

學政全書一部 四本

樂器圖一本

三水縣志

卷之五

學校

九

乾隆三十一年頒

易義一部 四本

詩義二部 共十本

春秋一部 六本

乾隆三十二年頒

御製文初集

御製詩初集

御製詩二集

乾隆三十八年頒

御製

文廟碑一道

乾隆四十四年頒

御製平定兩金川告成太學碑文清漢各一道

乾隆四十七年頒

欽定學政全書一部 十二本

乾隆四十八年頒

上諭一本

違碍書目四本

乾隆四十九年頒

續通鑑綱目一部 九本

乾隆五十年頒

御論一本

乾隆五十一年頒

三水縣志

卷之五

學校

三

上諭一道

欽定樂譜一部 三本

乾隆五十六年頒

萬壽衢歌樂章一部 三本

乾隆六十年頒

學政全書二部 共四十八本

嘉慶三年頒

國子監則例一部 十本

嘉慶六年頒

佩文詩韻一本

嘉慶二十年頒

禮部則例一部

嘉慶二十一年頒

學政全書一部 共十六本

嘉慶二十三年頒

科場條例一部 共十八本

常額

攷明洪武初詔求師儒額設教諭一訓導一受廩生員二十增廣如之附不為額二十年詔選天下府州縣學生其後間一行之不著合正統二年初

三水縣志

卷之五

學校

三

設官提督學校六年行選貢法嘉靖十一年行選貢法隆慶元年行恩貢法萬歷元年行增恩貢法三年行汰士法又行限士法復立六一選貢法十一年復增生員額二十年行選貢法泰昌天啟崇正元年並行恩貢法崇正八年止粟監例行拔貢間歲薦一人為歲貢

國朝順治十年定生員額視縣大小皆取進有加十六年減額科歲併為一考康熙十三年復科歲兩考恩貢歲貢悉如明制拔貢雍正六年 詔六年一行乾隆十二年 詔十二年一行入學額數三

水文童歲科原額取錄十二名歲試武童如之康熙六十一年督學惠士奇以三水人才鼎盛奏增額三名自是歲科兩考文童入學十五名歲試武童入學仍舊十二名

贊禮生

康熙二十五年合府州縣學贊禮生應選在學肄業儀表端莊聲音宏亮者補充大學六名小學四名試時准爲優等仍行報部

樂舞生

康熙三十六年從臺臣請定

三水縣志

卷之五

學校

三

文廟舞佾三十六人乾隆五年禮部議請於三十六人外加取四人以備疾病事故更替之用乾隆七年合樂舞生祭丁用生員藍衫雀頂

書院

鳳岡書院在儒學門之東舊有曠地一區崇正戊辰知縣蔣獻奇營建鄉紳士民協助周環磚壁已巋然成模矣時未落成迨崇正丙子知縣沈起蛟奉文修舉社學城內東偏端蒙社學地舊經生員黃甄父官買者甄願退還但以本址迫狹議仍歸之着令更出銀六十兩以充公費益以里排均助因

是落成改名端蒙社學然地屬學區况在辰位以爲社學殊屬未稱隨經崇正十一年通學生員具呈知縣高其昌酌議批允移社學于儒學門東名曰鳳岡書院捐資置田以爲修葺之需至康熙四十九年知縣鄭玟重建乾隆五年知縣任士鎰熊約祺勅大其模一連三進中祀五賢後樓祀文武二帝知縣汪鼎金撰有碑文

正學書院在學宮左射圃舊址康熙乙未八月知縣鄭玟捐俸百金鼎建同城文武官紳矜勦助不足益以贖緩計費三百餘金丙申五月落成撰有碑

三水縣志

卷之五

學校

三

記今圮

三水義學在省城大馬站

監生劉樞送入學內

汪公書院在學前塘東邊原係城內嚴把總書房一連兩進東邊園一所通學捐貲買受奉祀邑侯汪鼎金侯學詩教諭車廷鞞

鄭公書院在學宮右邊一連三進旁有客廳一間奉祀邑侯鄭玟今權爲教諭衙署

魁岡文壇

魁岡在城外東南二里許蓋護邑下砂也從縣學署望之屬巽巳方萬歷三十年邑侍御李希孔爲

諸生時倡議建浮圖其上知縣羅點可其議于是刻期營成突兀障江崢嶸插漢遂闢文明奇觀是役也縣正捐資爲倡鄉紳士民樂助計費金八百有奇

星洲文閣

在西南老沙嘴乾隆二十二年通學捐資買地創建後因西水冲缺乾隆五十二年嘉慶二十二年前後用石培築以護下關

文明門內文塢

乾隆二十年邑舉人梁文輝倡建今圯

社學

三水縣志

卷之五

學校

三

端蒙社學在南門內西偏舊爲兵馬司然考其名目非邑治所宜有後改爲社學今圯

藍溪社學

振文社學

雲秀社學

東岸社學

月桂社學

沙溪社學

北溪社學

得朋書院

東溪社學

以上俱在西南街

南溪社學

在沙頭

敦睦社學

在董東

南村社學

在南村

五峯社學

在大路圍

棉溪社學

在木棉

扶胥社學

在胥江

惇庸社學 在白泥

龍池社學

清塘社學

豐湖社學

聚奎社學

馬溪社學

鎮南社學

竹洲社學

學地

學西偏地舊與民蓋屋居住地租繳縣解府轉解
學院發給貧生燈油

東偏地舊空曠左翼闕弱明崇正十一年知縣高
其昌蓋屋三十間與西偏稱今已盡圯訓導陳大
覲招民蓋屋居住以供歷年解繳地租

三水縣志

卷之五

學校

三

青雲路在文明門外由橋梁達埕下林木植焉因魁
岡損耗樹木耕鑿又鋤其基寢以漫沒知縣鄭玟
捐俸修復嘉慶二年知縣孫樹新捐資遷建行臺
于魁岡上又買橋脚民田築路直達行臺

義學田業

土名大潭山田三了埭田倒庄田白水渦田鴨埠
街田蟻塘田元壇廟前田新官路田塘海心洲地
晒琳沙地文洲地汪公書院園場等處歲收租息
為春秋次丁及學內公項支用推舉公正紳士經

理

按學校爲教化所從出人才之淵藪也入進德之齋則思所以進德入修業之齋則思所以修業胥歸于成性焉肄邑學宮水流三匝文物之盛蔚然森秀自黌宮上舍而外有鳳岡書院延山長以課士卽古四大書院遺意也又爲之設立義學卽古之黨庠也又爲之設立社學卽古之家塾也而皆欲使之成性存存勉爲聖人之徒也我

朝頒布經書于學宮使之家絃而戶誦所以訓飭士子樂育人才者詳且備矣菁莪棫樸之盛不

于斯見乎